

A Xunta de Goberno desta Deputación Provincial na súa sesión ordinaria do día 28 de marzo de 2025, adoptou, entre outros, o seguinte acordo:

31.34994.- APROBACIÓN DE ACTUACIÓNS AUTORIZADAS AOS CONCELLOS DA PROVINCIA DE PONTEVEDRA CON CARGO AO PROGRAMA +MÚSICA 2025. (Expte.2025003603)

Primeiro.- A Xunta de Goberno desta Deputación, na sesión que tivo lugar o 7 de febreiro de 2025, aprobou as bases reguladoras do programa “+Música” para o ano 2025, de apoio á programación artística profesional en galego nos concellos da provincia de Pontevedra, que se publicaron no BOPPO núm. 29 de 12 de febreiro de 2025.

Poden beneficiarse deste programa os concellos da provincia de Pontevedra de menos de 50.000 habitantes.

Segundo.- Tal como figura na base sexta da convocatoria, os concellos destinatarios poden solicitar a autorización dun máximo de dúas actuacións a desenvolverse entre o 15 de abril e o 31 de decembro de 2025. As actuacións serán cofinanciadas entre a Deputación e os concellos do seguinte xeito:

- A Deputación de Pontevedra aboará o 100% do caché do espectáculo do grupo ou artista, previa tramitación do expediente de contratación correspondente
- O concello aboará a produción da actuación (equipos de son, luz, escenario e demais medios necesarios para o seu desenvolvemento).

Terceiro.- Segundo se establece nas bases, os concellos interesados deberán presentar unha única solicitude na que elixirán a actuación dun ou dous grupos ou artistas con cargo ao Programa +Música, seleccionarán dous grupos ou artistas, por orde de preferencia e tamén indicarán a data ou datas previamente acordadas co grupo ou grupos que solicitan e xunto coa solicitude achegarán a conformidade dos grupos que van a realizar a actuación para a data ou datas indicadas.

No caso de seleccionar unha soa actuación, se o grupo ou artista elixido como primeira opción ten un caché superior a 12.000,00 €, o concello solicitante deberá seleccionar como segunda opción un grupo ou artista con caché inferior a 12.000,00 €.

No caso de seleccionar dúas actuacións, a suma dos cachés dos grupos ou artistas elixidos non poderán superar o importe de 12.000,00 €.

Cuarto.- Os concellos tiñan de prazo desde o 20 de febreiro de 2025 ata o 5 de marzo de 2025, ambos incluídos, para presentar solicitudes de actuacións con cargo a dito programa, tal como se recolle na base oitava da convocatoria.

Quinto.- En consecuencia e á vista da presentación de solicitudes por parte dos concellos da provincia e de acordo cos criterios de adxudicación das actuacións, establecidos na base décimo terceira, confecciónase o listado das agrupacións que lles corresponden a cada concello e establécese o caché a aboar pola Deputación a cada grupo, que servirá para o prezo do correspondente contrato.



Sexto.- Vistos os informes favorables xurídico e o de Intervención de data 7 de marzo de 2025 con CSV: U5AZ8WAC1VP6KRL0.

Fundamentos xurídicos e técnicos:

Primeiro.- Lexislación aplicable:

- Lei 7/1985, do 2 de abril, de Bases do Réxime Local (LRL), art. 36.1.d).
- Lei 5/1997, do 22 de xullo, de Administración Local de Galicia (LALGA), art. 118 d) e 109.1.d).
- Lei 5/2016, do 4 de maio, do patrimonio cultural de Galicia, art. 69.
- Bases de execución do orzamento, nos aspectos orzamentario e contable.
- Lei 39/2015, do 1 de outubro, do procedemento administrativo común das Administracións Públicas (LPACAP).
- Lei 40/2015, do 1 de outubro, de réxime xurídico do sector público (LRXSP).
- Lei 3/1983, do 15 de xuño, de normalización lingüística.
- Lei 27/2013, do 27 de decembro, de racionalización e sustentabilidade da Administración Local.
- Bases reguladoras para o ano 2025 do Programa “+Música” de apoio á programación artística profesional en galego nos concellos da provincia de Pontevedra (BOPPO núm. 29 de 12 de febreiro de 2025).

Segundo.- A competencia para a aprobación das actuacións autorizadas a cada concello da provincia corresponde á Xunta de Goberno, tal como se recolle na base décimo cuarta da convocatoria.

En base ao anteriormente exposto, a Xunta de Goberno acorda por unanimidade:

Aprobar a relación de actuacións autorizadas a cada concello da provincia con cargo ao Programa “+Música” 2025 e que figuran na relación con CSV: L1UCAO31SD76HY2H.

O que lle comunico a Vde. para o seu coñecemento e efectos, coa salvidade que establece o art. 206 do RD 2568/86, de 28 de novembro.

*Asinado dixitalmente na data que figura á marxe.*

Contra este acordo que pon fin á vía administrativa poderá interpoñer recurso potestativo de reposición perante o mesmo órgano que o ditou, no prazo de un mes a partir do día seguinte ó desta notificación (*artigos 112 e 124 da Lei 39/2015, de 1 de outubro, de Procedemento Administrativo Común das Administracións Públicas*), ou ben, directamente recurso contencioso-administrativo perante o Xulgado do Contencioso-Administrativo de Pontevedra segundo o disposto no artigo 8 da Lei 29/1998, de 13 de xullo, Reguladora da Xurisdición Contencioso-Administrativa, e todo iso no prazo establecido no artigo 46 da citada Lei.

Todo iso sen prexuízo de que poida utilizar calquera outro recurso que estime conveniente.

